

باحلم أكون بسمه

باحلم أكون بسمه...
علي وش كان زعلان.
أو حتي أكون رسمه...
حلوه بإيد فنان.
وأحلم أكون شمسه...
طلت في عز البرد.
ولاً أكون لمسه...
طرحت جنابين ورد.
بحلم أكون فرحه...
لأحباب بيتلاقوا.
وأحلم أكون بلسم...
للحب وفراقه
بحلم وحلمي يادوب...
قاعد يفك الخط.

خائف أوي م الموج...
راضي يعيش ع الشط.
و أنا هاخذه من إيده...
نعمل لنا سفينة.
ونعدي بيها البحر.
نخلق لها ميناء.
هعلمه يجمد.
ويعدي ويعافر.
جوه الأمل يفرد.
جناحاته ويسافر.
ويقوم علي حيله
لو حتي مش قادر.
هعلمه يؤمر.
والكون يقول حاضر.